Чипалиннёсал декларасијачи нари доролбони

Дапарра долдаппула ресолјусијази 217 A (III) Гениралинэини Ассаммбилејани Сагзи бе 10 (зон) инэнидуни 1948 (геда минга хују тангу зиндо запку) ананиду

[?]

Мөрөнди боддоумари нари наррё эсини болдитта чипалиннёсалду нари нумидуни омоттоммо эввури танандда дорочи тари бини гэву тэккэни, тэдэ тэккэни, эми валлё биввури тэккэни;

мөрөнзи боддоумари тари нари доррони болзиттаури балзурини валихха тари госсуллини нари иркани, андупури тамаче биввурре, хамачеду гурусэл кэсэлу оличи, биличи эмэри ңәллә, эмэри синэззе чава долдаппула нари гугдама мөрөниңэчи;

мөрөнзи боддоумари нари доррони эттэуми товвури гё кусузини каирамбуззи, нари зобоми паулими эбуддони валимаччё болзизёсалтаи;

мөрөнзи боддоумари тари бэлэчими оввури гурусал андаилначи бибуддочи;

мөрөнзи боддоумари тари Обединоннэја Насија гурулни нурихачи Уставиду мэнэ актаривари нари даји доромбони, нари маңгани самари чоми тоичи бэлэчибуддори сосиалинэи прогресситэи биккочи улиңгаулиңга опоми даји гэвузи бимэри;

мөрөнзи боддоумари тари гои босал члёнучи токтоумачихачи бэлэчибуддори Органисасијандо Обединоннэи Насијандо гэсэ уилэмэри нари доррони гэбубуддори, нари дорронни, нари дајима гэввонни итэчимэри орро;

мөрөнзи боддоумари тари чипалиннесал саривачи доро мөрөмбөннй, гэву мөрөмбөннй тари актаввурре зиң улиңга хозидала андуми.

Генералина Ассамблеја

долданзини эсипчи Чипалиннёсал Декларасијачи нари доролбони садачануззи дапагаччи чава андуми муттэитэми чипалиннё гурусэл, босол чоми гедадда нари, гедадда хупа органуни гэгдэкэ актамари эсипчи Декларассијја, каксилол аллаупури даруни, таттуччури даруни тари доролб, тари гэвулбэ гэбубуддочи бэлэччилол. Чопе насионалинэјјй местународнэјјй прогрессивнэјјй меропријатијэл даручи андуитами пэргелол чипалиннепа улингази саввомбонда, хозидала андупонда ча садачалба бо гуруни додуннй, хупа членуни додунни, на гуруни додунни хамаче јурисдиксијэду нони бини.

Статија 1

Чипали гурунне балзичи гэвумэ, омотто мэнэ мөрөнзи, мэнэ доронзи. Ночи идэлу, иркалу, мэнэ мэнзи надактаначи бйчи.

Статија 2

Хамачёдда чипали нари надассичи чипали доролбо, чипали гэвулбэ эсипчи декларасијаду долдаппулалба хаивадда хонидда эпулэ кадачче: гои халадда бизини, хэрэктэни силланидда гои бизини, хусэннёддэ-эктэннёддобизини, кэсэниддэ гои бизини, религијанидда гои бизини, политическиддэ гоиддэ тэдэни, гурумадда сосиалинэиддэ тэккэни бизини, абдулусалдда, бајанзисалдда сûнэззисэлддэ бизини.

Тамаччу эввури то хамачёдда чипали кадакко политическэнддэ доромомоддо гуру-гурумама тэккэлло бо статуссёни, на статуссёни, хамачёду нари бини, бизини тари на сиса би, нуидэ киханзи би, мэнэ эси зангёрра би камаличипула суверинитетулуддэ би.

Статија 3

Хамачёдда чипали нари надассичи чипали дорони бини биввуритэи, гэвутэи, мэнэ-мэнзи сиса биввуритэи.

Статија 4

Нуиддэ элини бе болзитаду, болзиттаури доронду; болзитадда, болумба худасурредда хэрэссури хамачедда хонидда бизини.

Статија 5

Нуиддэ нуивэддэ эзили паччё, зин катузи, наризи ханасаи эзили булмэччё нони мөрөмбөни сэнгэрэммй кэсулэммй.

Статија 6

Хамачёдда чипали нари, хаидудда бими дорони бини нони правосубекносёни сабуддочи.

Статија 7

Чипали гурусал гёду омотто доролчи бини нуиддэ бизини омотто гё аксаччуритаини. Чипали гурусал дорочи бини омотто аксаччуритаи хамачёдда чипали болзитаду, болзитта имоччуриду эсипчи декларасијја камаличчитаи.

Статија 8

Хамачёдда чипали нари дорони бини нони даји доролбони конститусијја. Геккэ бухэмбэни камаличихандучи компетентнэи гурума судусэлбэ улингаманузи андуттомбуми.

Статија 9

Нуивэддэ эзилил баи аристоваира, эзилил даппа, эзилил хасаси.

Статија 10

Хамачёдда чипали нари нони дорронни нони уилэкконни сабуддочи, нони уголовнэи баитани тэддэни ноттоини уччимбэчи сабуддочи, дорони бини омотто биввури тэккэндуни нони баиттани кэсэзи ёробуддочи мэнэ сиса би беспристраснэи сўдуду нэ зёрударра тэддэ гэлэми.

Статија 11

Хамачёдда чипали нари, нуивэ баиталлёчи, дорони бини мэпи баитала ана опоми суду баиттани баввоталлани гемззи кэсэззй баиттани ероми, тэлиддэ нотоини буми хаивадда чипали аксаччуриду.

Нуивэддэ эзилил сўзйрэ тари баитта барини эрунду тари баита гурума гёддў гуру-гурума дороддў баиталлаури эччини бё. Худэулизи эввури кэсуллэ ча баита, хамачёмба бўрилэхэчи ча эрунду, хали баита бапула биччи.

Статија 12

Нуиддэ эллини мэттэкки баи йввонда мэниннй нумиббй бйккутэини, баи сулўдами йпэчими нони дукутаиннй, кореспонуденсијэни сипкутаинни, иркатаиннй, репутасијатаинни. Нуиддэ чипали дорони бйни гё аксачиккутаини мэттэкки сулўдамари ипэччёгичи.

Статија 13

Хамачёдда чипали нари дорони бини бова боки гипали пулими биккуззи силмами.

Хамачёдда чипали нари дорони бини хамачёмбадда мэниңниддэ бово вэдэми нэнуми чоччи гочи исумидда мэнэ ботакки.

Статија 14

Хамачёдда чипали нари дорони бини номбони хасасидучибикко гэлэбуззи гои боду, чаду сиригаччи бими.

Тари доро хэччёни политикама баитолло хасасидучи, гои баитаду сёлилддў принсипилду Организасијани Обидироннэи Насјани мэккуссидуни эсини хэттэ.

Статија 15

Хамачёдда чипали нари дорони бини грасидануства дапами.

Нуивэддэ баи эввури атто грасидануствони, нуиддэ мэнэддэ эсини калла грасиданустваби.

Статија 16

Хусэннё эктэннё, хуруми хозихасал, дорочи бūни рассачи даррунни, насионалинусичи дарунни, релūгијачи дарунни эввуми кадаччё мūрэнзидучи, нумиззи андусидучи. Ночи омоттомо дорочи бūни мūрэнзидучи, мūрэм бūдучи, мūрэнду пујједучи.

Дўтносо гэсэ гэвумзи токтоумачими хозўтаччё мйронзивэчи сакліучаиричи.

Нуми тари хупа дајини хупа чоми дорони бини чоми хупадду государствудду аксачикк актами.

Статија 17

Хамачёдда чипали нари дорони бини умукэддэ гоинёсалду гэсэддэ абдузи таккурами.

Нуидуддэ абдумбани баи нуиддэ эллини тананда.

Статија 18

Хамачёдда чипали нари дорони бини мөррө, ирккэ, религијјэ гэввони; тари доро дапуччёни религијабби долдаккубби каллаурре, мэнэ религијабби, долдаккубби умукэддэ поннесалдуддэ гэсэ долдамбуззи нари додунни умукэддо тачими, эндурреддэ долзими религиосинэјји ритуалинэјји обрјаддони андуми.

Статија 19

Хамачёдда чипали нари дорони бини долдакку гэввони гэвумзи чава долдамбуззи; мэнэ долдаккуби гэввоний эми камаличчё дапутабуззи, гэвво гэлэктэмми, алдо идејја хонидда томи государуственнаи гранисса эми киханда гамми бучимми - тари доро даппуччени.

Статија 20

Хамачёдда чипали нари дорони бини бэрэми чауха гэввонни хупа гэввонни.

Нуивэддэ нэ эввури йввондэ хамачётаидда хупатаи.

Статија 21

Хамачёдда чипали нари дорони бини мэнэ бонуззи мэнэддэ силмапула нарисалзидда зангёрами.

Хамачёдда чипали нари дорони бини мэнэ боззи омотто йввури дорони боби уилэккутэини.

Гуру волјани правителиство кусуни биллини; тари волја мэпи савволлини зиллэлул ана силмал-силмалду, хамачесалба андуличи гэрэммэ омоттоммо силмаури дороду сипкучими силмамми гоилзи омоттомол пормалзи бэлэчимми силма гэввони андуми.

Статија 22

Хамачёдда чипали нари, хупаннё, дорони бини гэлэми сосиалинэи бэлэччуррёддэ, андупуррёддэ надамба мэнэ доробби дапутабуззи, мэнэ мангабби гэвумэ балзибуддони экономическиду, сосиалинэиду кулитурнэиду областиду гурума кусуззи гуру-гурума гэсэ уилэззи бэлэчимэри бо-бо структурэннй, ресурсэнни хэттэини.

Статија 23

Хамачёдда чипали нари дорони бини уилэккуду, гэвумэ уилэкко силмабуззй, эмэри камаличчё улингази уилэури уилэккуду уилэбуззй, уилэкку анадуни аксачибуддочи.

Хамачёдда чипали нари, мэпи эми сэңгэррэундэ, дорони бини омоттомо уилэпулэ уилэду омоттомо тамма тамабуддочи.

Хамачёдда чипали уиллё нари дорони бūни эввуми камаличчё улингамако тамма тамабуддочи, ои бигини хамачёдда гои сосиалинэи бэлэччуррё бубуддочи мэппй мэнэ нумиббй улингази кихамбуддони.

Хамачёдда чипали нари дорони бини пропёси хупамбани андуми, пропеси хупатаини йррэ мэнэ дороби аксачибуззи.

Статија 24

Хамачёдда чипали нари дорони бини дэрукпуритэјјй, хуппуритэјјй, уидокизи дуралипула уилэури инэңитэјјй, анани-анани таммаури отпускатајјй.

Статија 25

Хамачёдда чипали нари дорони бūни эргими биввуррё; тари дэппи, багдухи, дуку, окчичими ёропури, надассури сосиалинэи бэлэччури-тари чипали нада мэнэ эргэббū, мэнэ нумиби эргэмбэннū окчичибуззи, эргими бибуззи, мэппū, мэнэ нумиббū бэлэчибуззи уилэлу ана опё, сагдаппё, хаимидда эргимбэ вэдэпё мэнэ баитала анази.

Эни оччисал јатауна бйсэл дорочи бйни дајизи кихами бэлэчибуддочи. Чипал пурил мйрэм балзихалдда, мйрэм эччил балзедда чипалиннетаи омоттомо сосиалинэи бэлэччурре таммечи.

Статија 26

Хамачёдда чипали нари таччуриду дорони бини. Тэнэ тачикку тамала ана, нэ тачими хоззуттаури. Чипал тачикку тамала ана, нэ тачими хоззуттаури. Техническајји, пропессионалинэјји, гугдамајји таччури чипалиннепа иввонзини, нуи уидоки бини.

Таччури нари мөррөннө, нари дөррөннй, нари иддэннй манга опонзини, гэббоннй нари доротоини, нари даји гэвутэини даји опонзини. Таччури мэнэ мэпэри самаччурре, маниттаурре бэлэччини, зелачимари биввурре гуру-гуру таундуни, расамма религиосинамма хупа-хупа таундуни бэлэччини Органисасија Обединонэи Насија уилэккони эмэри валле биввурре дапуччевани бэлэччини.

Амијја - энијјэ дорочи бини дуллузи силмами тачикко, хоттои пурилбэри йвуличи тачибуддочи.

Статија 27

Хамачёдда чипали нари дорони бūни гэвум каксибуззи кулитурнэитэи хупа биввуритэини, сэбдэними пакчизи андупулази, каксими наука прогресситэини, улингамазини таккурами.

Хамачёдда чипали нари дорони бини нони мөрөммө абдумма интерёссёни аксачибуддочи, тари андупула (топула) бигини нони научинэи литературинэи худосественнэи уилэни тари авторини нони бигини.

Статија 28

Хамачёдда чипали нари дорони бини сосиалинэидду, гуру-гуру тауни эпсизидду, јэ Декларасијаду нурипула доролбо гэвулбэ чипали андусилил.

Статија 29

Хамачёдда чипали нари дорони бини хупаду, хамачёду чадумали гэвумззй дајиззй нони мангани балзини.

Таккураини мэнэ доролдзй, мэнэ гэвулди хамачёмбадда чипали наррё камаличчичи сакону кусудуни дэнкйр сабуддоннй гэбубуддонни гоиннё доролбоччй гэбулбэччй, тэдэмэ мөррө, хупама эбсидзй, чипалиннёсал эргиккоччи гэллэлбэни каксими тобуддони.

Эрил доролʒʒū гэвулʒʒū таккурами хонидда эввури камаличче селилбэ принсипилбэ Органисасијани Обединонэхи Насијани.

Статија 30

Хаидда эсипчи Декларасијаду ханасаилакка эсини меречендэ тамачикка хаива буввуре государствутаи, нари ху́патаини, ге́да-ге́да наритаи дорро́ хамаче́дда уилэкко́ товвурре, андуми товвурре хамаче́ атуччини доролбо, гавулбэ, декларасијаду нурипулалба.